



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCCII. ad annum CCCCXXX.

Parisiis, 1644

Epistola VII. Innocentii Papae I. De Bubalio & Tauriano damnatis a
prouincialibus episcopis, quorum sententiam sedes apostolica retractare
curauit.

urn:nbn:de:hbz:466:1-14918

EPISTOLA VII.
INNOCENTII PAPÆ I.

De Bubalio & Tauriano damnatis a prouincialibus
episcopis, quorum sententiam sedes aposto-
lica retractare curauit.

*Innocentius Rufo, Gerontio, Sophronio, Flauiano, Macedonio,
Prosdotio & Oristeo episcopis per Macedoniam
constitutis.*

MORA coepiscoporum nostrorum Maximiani & Eu-
menii, vel potius importunitas temporum fecit,
vt vos iteraretis de Bubalio & Tauriano querimoniam,
& nos iterum in homines perditissimos insurgeremus.
Sed, vt possum, paucioribus verbis tantorum malorum
imitabor compendium, & strictim quæ in volumine li-
terarum vestrarum conspexerim, retractabo. Graue non
oportuit videri piissimis mentibus vestris, cuiuscumque
retractari iudicium: quia veritas exagitata sæpius, magis
splendescit in luce: & perniciēs reuocata in iudicium,
grauius & sine * pœnitentia condemnatur. Nam fructus
diuinus est, iustitiam sæpius recenseri, fratres carissimi.
Verum illud video mouisse animos vestros, quod in mul-
tis Bubalius sæpe fallaciis deprehensus, obiecerit exem-
plaria fictarum quasi a nobis literarum, cum pro consue-
tudine hominis nihil, quod proferret, iam fide dignissi-
mum videretur. Sed sileatur omne iam de tali negotio
murmur, & conuicti diaboli ipsi anhelitus comprimantur.
Subiunximus autem his priores literas, quas per me-
moratos episcopos miseramus, quibus ita plenaria sen-
suum nostrorum sententia designata est, vt dum relege-
ritis, nihil ambiguum, nihil requirendum in hac causa,
de cetero repetatis. Hanc autem paginulam nostram so-
licitius, credentibus sibi episcopis relegendam mittite, vt
sciant plenissime, quid sit de Bubalio & Tauriano, cete-
risque pronuntiatum, vt seruent, qui digni admonitione
sunt, cauere a talibus, ne * talibus sociantur.

35. q. 9. Gra-
ue non.

* illius,
qui pri-
mo iudi-
cauit,
pœnitē-
tia

* talia
fortian-
tur.